



SÁMEDIGGI
SÁMITIGGE
SÁÁ'MTE'Gġ
SAAMELAISKÄRÄJÄT



Sámediggi
Sámedigge
Saemiedigkie
Sametinget

SÄMITIGEH ILODEH TAVE-EENNÄMLÄŠ SÄMISOPÄMUŠ TUHHIITEM OVDÁNMIŠT

Tave-eennâmlâš sâmisopâmuš valmâštállâm já ovdânem lii lamaš kuhes prooseses já tot lii valmâštállum tave-eennâmlâš äššitobdeepargojuávhust kulmâ ive. Sopâmušhammiittâs luovâtem maŋa ive 2005 tave-eennâmlii sâmisopâmuš ovdodem nuuvâi staatâi koskâsii oovtâstpargoost maanġa ihân. Tâäl ráđádâlmeh sopâmuš tuhhitmân älgih Ruotâ, Suomâ já Taažâ staatâi já sâmitigij oovtâstpargon ive 2011 ráájist. Taat meridui Ruotâ, Suomâ já Taažâ sâmiaašijn västideijee ministerij já áášân kullee enâmiij sâmitigij presideentâi ohtsâščuákkimist onne 22.11.2010 Tukholmast.

Tave-eennâmlii sâmisopâmuš tuhhiitem lii sooppum olâšittuđ viidâ ivveest. Sâmitigeh láá tuáivum, et ráđádâlmijd puávtáččij toollâđ jotelub ägitavluin, mut tehálumos lii ääši ovdânem. Lii vyerdimist, et ráđádâlmeh láá vaigâdeh. Sopmuš ličij historjállâš já ton tuhhiitem uáivildičij maailm vuossâmuu staatâsopâmuš šoddâm, mon uáivilin lii pyerediđ maanġa staatâ kuávluin ässee algâaalmug, sâmmilij, sajattuv.

Ruotâ, Suomâ já Taažâ sâmitigij sehe Ruošâ sâmmilij oovtâstpargo-orgaan, Säämi Parlamaentaarlâš Rääđi (SPR) vuárdá, et tave-eennâmlâš sâmisopâmuš oovded sâmmilij raajijd rastaldittee oovtâstpargo ovdiist pyerebân lasseetmâin sâmmilij oohtânkulluuvâšvuodâ já lâčimâin SPR:st sâmmilij ohtsii alemuu ovdâsteijee orgaan jieijâs haldâttâhráhtusijdiskuin. Veikkâ sâmitigeh láá tave-eennâmlii sâmisopâmuš tuhhiitemráđádâlmijn uassin staatâi delegaatioid, lii sâmmilij jienâ ohtsâš. SPR ráđádâl ohtân juávkun tave-eennâmlii sâmisopâmuš tuhhitmân. SPR váátá, et tave-eennâmlâš sâmisopâmuš ráđádâlloo oleslâžžân já puoh sopâmušhammiittâs tähidem vuoigâdвуодâh olâšuveh.

Ruotâ sâmitigeh sriivrâ saavâjodetteijee Ingrid Inga iätá, et lii uáli ilodittee et kulmâ Sâmitigeh uásálisteh täsiárvusâžžân uásipeellin ráđádâlmijn tave-eennâmlii sâmisopâmušâst. Vyeligip tast, et Sâmitigij iävtuh uásálistiđ ráđádâlmâid torvejuvvojehe áášân kullee staatâi toimâst. Tot äšši et ráđádâlmeh kalgeh nuuhâđ viidâ ive siste, meerhâš meiddei tom, et Ruotâ taan äägi siste almoot aiguinis nanodiđ já turviđ sâmmilij vuoigâdвуодâ jiešmeerridmân já enâmiij já čaasij já luánduriggoduvâi haaldâšmân aalmugijkoskâsii vuoigâdвуодâ prinsiiipâi miäldásávt.

Suomâ sâmitigij saavâjodetteijee Klemetti Näkkäljärvi iätá, et Suomâ sâmitiigân ráđádâlmeh tave-eennâmlii sâmisopâmuš tuhhitmân láá eromâš teháliih, ko Suomâ kárttâá tave-eennâmlii sâmisopâmuš pehti tähidiđ sâmi-iälättâsâi já -kulttuur syeje táálâst pyerebeht, čuávdidiđ sâmmilij vuoigâdвуодâid enâmân já čáácá sehe turviđ sâmitiigân tuárvi naavcâid toimâđ. Suomâ staatâ lii asâttâm maanġa ihelovo äägi ulmen uázžuđ aalmuglii čuávdus sâmmilij eennâm- já čäcivuoigâdвуодâin, mut čuávdus uuccâm ij lah ubâ algâttumgin. Suomâ ij pyevti onnig peittâttâđ aalmuglii čuávdus uuccâm tuáhá. Suomâ staatâ kalga čuávdidiđ sâmmilij eennâm- já čäcivuoigâdвуодâid majemustâá uassin tave-eennâmlii sâmisopâmuš, adai viidi ive siste.



SÁMEDIGGI
SÁMITIGGE
SÁÁ'MTE'ĠĠ
SAAMELAISKÄRÄJÄT

Taažâ sämitige president Egil Olli iätä lemin uáli iloláš tast, et ráđádálmeh peessih tääl joton. ”Tegu tiettip lii lamasš mottoom verd sierâmielâlâšvuotâ ráđádállâmvuáváámist, eromášávt Taažâst, mut ko mij tääl tiettip, et Suomâ já Ruotâ sämitigij já toi enâmiij haldáttâsâi kooská lii oovtmielâlâšvuotâ, te algátem ij uážu leđe Taažâst kiddâ. Tääl halijdâm kevttiđ tilâlâšvuodâ pyerrin já rämidiđ Suomâ já Ruotâ táássázân ovdánâm fiijnâ já šiev prosessâst já mielâst vuárdám et porgâškyettip tain historjállijn toimáin: uázžup áigá sâmisopâmuš kuulmâ tave-enâmist, mast aassâp”, juátká Egil Olli.

Ingrid Inga
Ruotâ sämitigge
070 – 773 7762

Klemetti Näkkäljärvi
Suomâ sämitigge
+358 50 5242109

Egil Olli
Taažâ sämitigge
+47 78 47 40 00